



Шайбонийлар сулоласи (XVI аср) Бухоро тарихида ўз ўрнига эга. Сулоланинг Бухорода ҳукмронлик қилган саккиз вакилидан фақат учтасининг – Убайдуллахон (1533-1539), Абдулазизхон (1539-1549), Абдуллахон (1557-1598) номларини эъзоз билан тилга олиш мумкин. Улар даврида Бухоро йирик сиёсий, маданий марказга айланди. Қатор обидалар қад ростлади, шаҳар шухрати ортди. Шайбонийлардан Пирмухаммадхон, Муҳаммадёр султон, Бурхон султон, Абдулмўминхон каби соҳиби тожлар ҳукмронлик даврида эса (Искандархон бундан истисно) аксинча, ўзаро тож-тахт талашишлар, яқка ҳукмронлик даъвоси, бир-бирига оқибатсизлик авж олди.

Тож-тахтга қучли меҳр қўйган шайбонийлардан бири Бурхон султон эди. У 1551-1557 йилларда Бухорони бошқарди. Бурхон султон шайбоний Убайдуллахоннинг невараси, яъни Муҳаммад Раҳим султоннинг ўғли эди. Лекин у бобоси сингари салмоқли ишларни амалга ошира олмади, ҳукмронлик даври Бухоро тахти даъвогарлари билан мунтазам курашларда ўтди. Ўша даврда Бухоро ахлининг маънавий раҳнамоси, Накшбандия тариқати пешвоси Хўжа Ислоҳ Жўйборий (1493-1563) марҳаматига ҳам сазовор бўла олмади. Ўрта аср тарихчилари Бурхон султон ҳукмронлик даврини алоҳида бир изтироб билан ёзиб қолдирганлар.

1549 йил Бухоро ҳукмдори Абдулазизхон вафот этгач, шайбонийлар ўртасида Бухоро тахти учун кураш бошланиб, қарийб икки йилча давом этди. Бу орада Пирмухаммадхон Балхдан от суриб келиб, Бухорони эгаллади. Лекин уни узок ушлаб тура олмади. Ниҳоят 1551 йил Бухоро тахти Муҳаммадёр султон ва Бурхон султонларга насиб этди. 1551-1554 йилларда Бухорода қўшхоқимиятчилик ҳукм сурди, яъни Бухорони икки шайбонийзода Муҳаммадёр султон ва Бурхон султонлар бошқаришди. Хар жихатдан ноқулай бўлган бундай бошқарув усули узок давом этмаслиги муқаррар эди.

Уч йил ўтгач, икки ҳукмдор ўртасидаги пинҳона хусумат Бурхон султон фойдасига интихо топди. Шу давр мобайнида Бурхон султон тарафдорлари орта бориб, уни Муҳаммадёр султонга қарши қайрай бошладилар. «Бир шаҳарда икки ҳукмдор нима қилади, тож-тахт сизга ярашади» каби сўзлар билан уни яқка ҳукмронликка даъват этдилар. Ниҳоят, Бурхон султон 1554 йил бир гуруҳ тарафдорлари ҳамроҳлигида Бухоро Арқига қилич яланғочлаб қириб, Муҳаммадёр султонни қатл этди ҳамда шаҳарнинг яқка ҳукмдорига айланди. Лекин орадан уч йил ўтиб бу қилмиши ўзига қайтишини, ўзини бундан ҳам оғирроқ қисмат қутаётганини билмасди.

Бурхон султон учун Бухорони ушлаб туриш осон бўлмади. Бухоро даъвосини қилган шайбонийзодалардан Саййид султон, Наврўз Аҳмадхон, Абдуллахонлар ҳужумига бардош беришга тўғри келди. Саййид султон ва Наврўз Аҳмадхонлар ҳужум қилганда эса, Балхда турган Абдуллахонга ёрдам сўраб мурожаат қилди ва бунинг эвазига унга

Бухорони топширишини ваъда килди. Абдуллахон бу таклифни кабул килиб Бухоро томонга караб от сурди. 1555 йил июнь ойида Бурхон султон бир гурух аркони давлатлар, номдор савдогарлар ва бошка табакалар хамрохлигида Шахри Ислон мавзеида Абдуллахонга пешвоз чикиб, унга Бухоронинг калитини топширди. Ўзи эса Коракўл томонга юзланди ва бир муддат шу ерда турди. Орадан 15 кун ўтгач, Абдуллахонга нисбатан хоинлик йўлига ўтиб, итоат халқасидан чикканлигини эълон этди ҳамда Бухорони кайта кўлга киритиш учун кураш бошлади. Ромитан калъасига беркиниб олиб, каттик каршилиқ кўрсатди. Бирор натижага эриша олмаган Абдуллахон Бухорони ташлаб, Майманага караб йўл олди. Бурхон султон эса Бухорони эгаллади. У Бухорода хукмронлик килган йилларда ўзи учун кучли ижтимоий катлам ярата олмади. Хўжа Ислон Жўйборийга нисбатан эса ихлоси йўқ эди. Хатто бир бор Хўжа Ислон султондан каттик ранжиб Хоразмга кетиб колди. Лекин Бурхон султон килган ишига пушаймон бўлиб, уни яна Бухорога олиб келди.

1556 йил бахорида Абдуллахон Бухорони эгаллаш тараддудини кўра бошлади. Бундан вокиф бўлган Бурхон султон энди собик мухолифи Наврўз Ахмадхонга ёрдам сўраб муружаат килди. Наврўз Ахмадхон икки минг кишилиқ кўшин хамрохлигида. Бухоро томонга юзланиб, Дурбай мавзеига келиб тўхтади ва шу ерда Бурхон султон билан музокара бошлади. Учрашув пайтида Бурхон султон Наврўз Ахмадхонни кўпдан-кўп совгалар билан сийлади. Бунинг эвазига Наврўз Ахмадхон Бурхон султоннинг ўзига нисбатан тутган ганимлик йўлини, бевафолигини кечирди. Шундан сўнг улар иттифок бўлиб Абдуллахон кўшинларига карши кураш бошладилар. Лекин бўлиб ўтган тўқнашувлардан бирор натижа чикмагач, урушувчи томонлар жанг харакатларини тўхтатдилар. Бухоро яна Бурхон султон кўлида колди.

Лекин 1557 йил ёзида Бухоро яна Абдуллахон томонидан камал этилди. Бурхон султон учун энди хаёт-мамот жанги бошланди. Камал узокка чўзилавергач, Бурхон султон ўз махрамлари билан кенгашиб, Абдуллахондан сулх сўрашни ва бу ишда Хўжа Ислонни воситачи килишни режалаштирди. Хўжа Ислоннинг Бурхон султонга хайрихохлиги йўқ эди. «Манокиб саъдийа» кўлэзма асарида кайд этилишича, Хўжа Ислон ўз ёрон ва махрамлари хузурида: «Бурхон султонни Бухоро тахтидан четлаштирмасам пушти падаримдан бўлган эмасман» деган экан. Хўжа Ислоннинг Бурхон султонга бўлган хусумати канчалиқ кучли бўлмасин, у фукаро осойишталигини таъминлаш зарурлигини чуқур англаб, иккала томонни муросага келтиришга бел боглади ва Бурхон султон таклифини кабул килди. «Равзат ар-ризвон» кўлэзма асари маълумотларига кўра, Бурхон султон Хўжа Ислондан Абдуллахон олдига бориб сулх сўрашни илтимос килганда у шундай деган экан: «Мусулмонлар осойишталиги учун ораларингда сулх тузмокчимиз. Сулхни кабул килмасанг Хўжа Бахоуддин Накшбанд пирларига гирифтор бўласан». Шундай деб кўрсаткич бармогини худди найзадек килиб Бурхон султоннинг бўйнига кўйди, сўнг Бухоронинг Мозор дарвозасидан чикиб Абдуллахон кароргохига равона бўлди. Абдуллахон хузурига келиб сулх тузишга кўндирди. Эрта сахарда Бурхон султоннинг ўлдирилганлиги тўгрисида хабар таркалди. Хўжа Ислон музокара олиб бориш учун Абдуллахон хузурига келган пайтида кушчи уругидан бўлган Мирза Ака-бий деган киши Бурхон султон олдига бориб, уни турли йўллар билан алдаб ўз уйига келишга кўндирди ва уйига олиб келиб калласини танасидан жудо килди. Хукмдорнинг кесилган боши бир неча муддат Арк дарвозаси тепасига осиб кўйилди. Кейинчалиқ найзага илдирилиб, Абдуллахон олдига олиб келинди ва унинг оёги остига ташланди. Бу воқеа 1557 йил шаъбон ойининг жума куни содир бўлди, Бурхон султон кимнинг махфий

буйруги билан ўлдирилганлиги тўғрисида тарихий манбаларда аниқ маълумот учрамайди. Лекин ҳукм канчалик шафкатсиз бўлмасин, у адолатли эди. Зеро, Бурхон султон катлидан сўнг ҳокимиятни эгаллаган Абдуллахон Бухоро тарихида янги даврни бошлаб берди.

Халим Тўраев.

Бухоро Давлат университети доценти,
тарих фанлари номзоди